



有錢贊助，冇錢找數係咩玩法？話說靠黃上位嘅阮民安 (Tommy) 日前喺 facebook 發帖推薦「桔梗」嘅月餅，仲話多謝「桔梗」冠名贊助佢開演唱會，引嚟多個上年同「桔梗」合作賣月餅嘅苦主大爆「桔梗」「上年賣月餅條數仲未清」。「桔梗」唯有發「道歉文章」跪低，話會今個月找清上年條數，兼辯稱自己唔找數係因為「遺失了電話」嗚，個理由真係方便又快捷。唔少網民都鬧爆「桔梗」有錢唔還「好無恥呀」。

●香港文匯報記者 黃書蘭

阮民安日前喺fb話多謝「桔梗」贊助佢開演唱會，「佢哋（「桔梗」）一知道我話要開Show，即刻二話不說，就話要做我嘅主題贊助，佢哋同我講，上次贊助完阿澤（杜汶澤），今次贊助我……」佢仲圖文並茂推薦「桔梗」嘅月餅，結果引嚟唔少苦主呻俾「桔梗」呢，一個post就成為「桔梗」出事現場。

月餅數拖一年 搵小店做水魚

「Iris Fish」留言話：「Tommy可唔可以幫我問吓佢『潮食閣』上年賣月餅條數幾時清？仲有幾間小店都未收到喇！」「Chris Chow」就話：「『桔梗』一開始仲溫曬（晒）班合作既（嘅）店舖負責人笨，用出唔切貨做理由，要脅迫班小店老闆幫佢做免費勞工，做完之後仲當班小店做condom（用完即棄），中秋既（嘅）數拖到清明都唔找，而（嘅）家拖到『潮食（閣）』執，想食條條六位數字既（嘅）尾數……」


「Ricky Leung」亦指「桔梗」信唔過：「只係『桔梗』真係當晒所有合作小店係水魚，兩晚義務幫手包裝月餅不特止，物流本身講好係『桔梗』負責，最後又要自己call車攞貨，重（仲）要話大家唔攞貨阻住佢做生意……拖數又多藉口，又話畀IT平台hold（扣）住筆貨款有錢界，又話俾食環扣起抗疫基金，又話賺唔到錢等等，每次應承界錢最後都係deadline（限期）免現唔到，話同『潮食閣』傾好分期界錢，唔追就唔過數，自己有錢開分店做marketing（市場策劃），就有錢界番（返）『潮食閣』……」

桔梗有錢唔還 泵水撐黃藝人

死撐「遺失電話」失聯找唔到數 網民批作故仔無恥



●「桔梗」出錢贊助阮民安演唱會，卻被揭爆「上年賣月餅條數仲未清」。



●「桔梗」稱未還款是因為遺失了電話和相關聯絡資料，又稱已聯絡班苦主找數。但網民就唔收貨。

稱已聯絡苦主 網民唔收貨

群情洶湧下，「桔梗」隨後就係透fb出post「解釋」，當中梗係透露自己嘅「犧牲」。佢地話：「上年負責人由於被拘捕時遺失了電話和相關聯絡資料，可能造成『遺漏』某些小店」，又稱已聯絡班苦主找數，金額約15萬蚊。

不過，唔少網民都笑有人呢鬼食豆腐。「Sandy Chan」話：「收×啦，無可能唔晒小店聯絡資料，無咗電話你唔識去fb/ig/google search（搜尋）？作故仔都作個合理d（啲）架（啲）啦。」「Chan On Yi」都問：「又開到分店，又贊助到入地演唱會嗰成？都無錢還……人地中間有追過你，你自己話無錢要遲啲先，而且月餅計劃有出宣傳可以check（查）返，有心還嘅點會唔記得對方追過？點會check唔返係邊幾間？『遺漏某些小店』都講得出？你哋好無恥呀！」

雖然一班黃店鬧就兇狠，唔知有人報警「大義滅親」呢？定係佢哋驚「桔梗」俾人拉多次又「遺失電話」，然後小店又再次俾人「遺漏」呢？

出帖分享中伏黃店 一天逾400留言數臭

黃店已經變成呢錢、難食、服務態度差嘅代名詞，求其睇網上開個post都大抵苦主。話話近日有網民以「一人兩間難食嘅黃店」為題嘅連登post，叫大家分享一下有乜中伏黃店。估唔到個post短短一日就已經有超過400個留言，唔少黃絲綠力數各間黃店嘅劣跡，仲話食黃店食到一肚氣，改稱佢哋做黑店好過。

到底邊間黃店最伏？「燒肺四寶飯」留言話係「桔梗」後，瞬間得到700幾個「正評」就知道啦。唔少黃絲綠都跟隊留言批評「桔梗」真係好難食，「習慣便好」就話：「『桔梗』難食到我餓去都食唔落，未食過咁難食嘅嘢。」「作運人」仲話：「餓狗都嫌佢難食！」

其實「桔梗」一早已臭名遠播，又曾經被狠批食「人血饅頭」，不過仲有班黃絲綠中伏又繼續呻，呻完又繼續中伏，難怪「山口真帆」都疑惑：「點解咁多人講難食，但都仲有咁多人食？」無他嘅，因為黃絲綠有癖好囉。

黃店食到一肚氣，改稱佢哋做黑店好過。

到底邊間黃店最伏？「燒肺四寶飯」留言話係「桔梗」後，瞬間得到700幾個「正評」就知道啦。唔少黃絲綠都跟隊留言批評「桔梗」真係好難食，「習慣便好」就話：「『桔梗』難食到我餓去都食唔落，未食過咁難食嘅嘢。」「作運人」仲話：「餓狗都嫌佢難食！」

其實「桔梗」一早已臭名遠播，又曾經被狠批食「人血饅頭」，不過仲有班黃絲綠中伏又繼續呻，呻完又繼續中伏，難怪「山口真帆」都疑惑：「點解咁多人講難食，但都仲有咁多人食？」無他嘅，因為黃絲綠有癖好囉。

「光榮冰室」榜上有名

另一間知名黃店「光榮冰室」亦同樣「榜上有名」。「Gina沒有好下場」批評：「光榮，難食到連杯野（嘢）飲都唔好飲，執×咗佢啦。」「DaveSuzuki和應」覺得：「D（啲）野（嘢）唔係好食都算，入到去坐低到走人，全程都受×住氣，D（啲）侍應隻隻好似×眼看人低咁，係咪自待（恃）著（住）曾經幫過『抗爭』就可以大搖大擺、唯我獨尊？」

其實唔少黃店一早已被標簽為劣食，受盡「同路人」批評，但都有黃絲綠繼續盲撐，咁唔憂做，啲黃店就係係唔收顧客入眼內喇。 ●香港文匯報記者 倪思言

疑借黃店散貨 網民：無證明點信



有黃絲綠地方就有亂象。有網民日前喺facebook出post，話有「手足」幫黃店入咗2,000箱文旦禮盒，結果俾黃店棄單，只肯要500箱，於是叫咁「同路人」幫手散貨。批發商「Taiwanfruit886」隨後出post自認係受害者，但就話「唔會公開棄單嘅黃店名」，亦都冇任何相關證據，亦唔肯出示船運單等，有黃絲綠就質疑成件事只係宣傳橋。不過，多個攞炒派前區議員唔理咁多照同款文旦團購，唔知有幾多黃絲「願者上鈎」呢？

買咗2,000箱文旦俾人跳起固然係慘，但睇返「Taiwanfruit886」個帖文，原來所謂黃店棄單時，但哋其實都可以同台灣果農減返訂購數量，但「唔希望對台灣嘅小果農影響太大，同時亦唔想影響香港人嘅台灣嘅印象」，所以都堅持要2,000箱。

咁1,500箱點算呢？梗係叫黃絲綠食咗佢。雖然係請人幫手散貨，但價錢都幾唔客氣，買10箱以下要168蚊一箱，多過100箱就降價到80蚊一箱，因為係「運輸成本」問題。

「軍火佬」參戰求開名

唔少網民都質疑件事到底係點。「Gary Ng」話：「點會無咗幫人入2,000箱？」「ATell Chan」直言：「似苦肉計、宣傳橋嘢。如果係真，佢



●「Taiwanfruit886」出帖澄清，聲稱自己是「苦主」。



●「軍火佬」出帖諷刺黃店。

話棄單問黃店改吃要500箱，佢而（嘅）家爆響口，唔驚人哋連喇500箱都唔要咩。」「Kate Lam」都問：「如果有心散貨，點會散買同買100箱以上差一倍價錢？」網媒「軍火佬」都加入戰爭：「我都好想知道邊間黃店，可以棄2,000箱貨，有人可以提供資料嗎？」

「Taiwanfruit886」就重申自己係「俾黃店棄單」，但唔會開名，因為「唔希望批鬥嘅風氣繼續嘍黃圈入面延續」。有網民要求佢哋出示船運單或者相關文件，問鋪好大官威咁話「唔會提供」，除非對方可以畀錢買起佢哋一櫃文旦先會公開。

態度咁寸，網民自然唔收貨。網民「李雯雯」就直言：「似呢錢多。」「Hy Louis」就感嘆：「乜證明都沒，得個講字！點信啊！連啲貨都唔識影一影。」「Dimbo Bak」都話：「如果佢夠膽就公開張單出黎（嚟），計番（返）個成本數。」「Roy Chu」話：「黃店殺人都要填命，唔係咁批鬥咁批鬥既（嘅）問題。有錯，出黎（嚟）道歉；有錯，出黎（嚟）澄清。而（嘅）家真心感覺上似係一套自編自說既

（嘅）鬧劇。」「Amy Kong」就話：「反正全香港嘅文旦我都唔會買，費事益距（佢）呢個呢錢黨。」

攞炒派前區員搞團購

咁啱得咁巧，屯門前區議員黎駿穎、元朗前區議員吳玉英、元朗前區議員伍健偉日前都有出post或轉發post，話可以畀街坊「團購」文旦，同「Taiwanfruit886」嘅文旦產地、品種、每箱規格都一樣，不過價錢就150蚊一箱。唔知佢哋中間可以賺幾多呢？

●香港文匯報記者 藍松山



●網民分享在黃店用餐的不快經歷。網上截圖



黃圈啲紛爭真係活久見。網民「街邊太多人與遮」日前嘅連登post，分享幫襯黃店嘅不快經歷，但就惹嚟唔少「同路人」反駁話佢分化黃店，仲鬧返轉頭，話佢用餐廳體驗唔好就放上網「批鬥」，係「好肉酸」嘅行為，有人仲叫佢去得黃店就應該吞吞忍氣。

事緣「街邊太多人與遮」早前去咗幫襯位於荃灣嘅黃店「轉角·見」，初時入到餐廳職員唔帶位佢都覺得無乜所謂，但係位都未坐低時，職員竟然隔住張枱飛份餐牌落枱，搞到佢同友人呆咗。「街邊太多人與遮」話，落單無乜禮貌都預咗，但咁啱有個客人直接去櫃位落單堂食想畀吃錢先，個職員好似當正佢怪人咁，個客一畀完錢返位坐，喇兩個職員即刻圍埋講個客，「先唔講作為客人，作為普通人我都唔覺得自己有被尊重過」，佢仲話，本身係「轉角·見」係黃店先幫襯，但成個用餐廳經驗係令佢覺得唔會再有下次。

雖然有黃絲綠都留言話「轉角·見」嘅服務態度真係好差，但有唔少「同路人」竟然指責「街邊太多人與遮」分化，鬧返轉頭。「筆事師青」揶揄：「俾（佢）5星級服務你好唔好？」「大便論家」話：「用餐廳體驗唔好（就）上網「批鬥」真係好肉酸囉。」「高登老人」就話：「第一日食黃店？好多黃絲綠吞吞忍氣都係咁食，香港人而（嘅）家邊個仲有心情，忍下啦。」「金玉其外（香港）」更加無理咁講：「其實你可以唔入去食，就唔會麻煩到人，你唔麻煩人，人地（哋）就以禮相待。」咁又係，同黃絲綠講道理真係自討苦吃。

●香港文匯報記者 倪思言

投訴黃店服務差 網民反被鬧分化

《蘋果》特刊4000蟹貨無人要



《蘋果日報》結業前出咗兩本叫《不是最終章》及《廣告信念》嘅特刊，當時聲稱「好搶手」「排隊都買唔到」。噉家距離佢哋結業接近兩個月，有黃媒訪問揭爆有「黃店」仲有幾千本存貨未賣完，連啲就畀棄置晒。有網民就話呢個訪問內容擺明都係搵下家接貨。

有黃媒日前報道話黃店「蟹貨倉」6月底接收超過兩萬本《不是最終章》及《廣告信念》特刊，但依然未賣晒，仲剩低約1,000本《不是最終

章》同理3,000本《廣告信念》。佢地話如果唔啲仲未賣晒，「所有刊物都會被棄置。」蟹貨倉老闆仲聲稱「不希望浪費每一本僅餘的《蘋果日報》刊物」「實體書可留記憶」。

網民譏「擺去廢紙回收」

心水清嘅網民一睇就知，又係黃店叫「手足」幫手埋單。網民「Alex Cheung」直接話：「各路手足，眾籌時間又到啦。」「梁祝」就直言：「又想搵水魚撈一筆。」「Mobb Chan」就「提點」店主：「既然為意義吾（唔）系（係）為錢，與其dispose（棄置），可（何）不免費派

發？」「Lala Mo」就表示不解：「真心唔明！二百萬零一人嗰！咁都賣唔晒（晒）」「Jason Chan」就揶揄：「環保D（啲）」，擺去廢紙回收，唔好浪費！」「Chow Tsz Yeung」就建議不如佢哋買斷先，咁就唔使回書囉。

有網民揶揄，所謂買《蘋果日報》只不過係有啲人鍾意跟風。網民「Chun Man Tam」直言：「熱潮都過左（咗），打完卡冇人俾（男）like了。」其實都明嘅，當初想入多啲貨藉機賺多筆，但既然睇漏眼，咪自己食咗佢囉，做乜仲要啲「手足」去埋單呢？

●香港文匯報記者 藍松山



●黃店至今依然未賣完《蘋果日報》特刊。